

御定全唐诗

全唐詩目 第十二函

第十冊

明皇帝

以下

昭宗皇帝

後唐莊宗

南唐嗣主李璟

後主煜

蜀主王衍

後蜀主孟昶

共一卷

李景伯

沈佺期

裴談

張說

崔液

李白

元結

張志和

張松齡

韓翃

韋應物

王建

戴叔倫

劉禹錫

白居易

劉長卿

竇弘餘

康駢

共二卷

杜牧

崔懷寶

鄭符

段成式

張希復

溫庭筠

皇甫松

司空圖

韓偓

張曙

鍾輻

共二卷

韋莊

牛嶠

共二卷

毛文錫

和凝

牛希濟

共二卷

薛昭蘊

顧夔

鹿虔扈

共一卷

魏承班

尹鶚

毛熙震

共一卷

李珣

歐陽炯

歐陽彬

共一卷

閻選

孫光憲

共一卷

張泌

馮延巳

徐昌圖

徐鉉

共一卷

庾傳素

劉侍讀

許岷

林楚翹

無名氏

楊貴妃

閨后陳氏

柳氏

王麗真女郎

耿玉真 共二卷

呂巖

伊用昌 共二卷

全唐詩 詞一

詞 唐人樂府元用律絕等詩和聲歌之其並和聲作實字長短其句以就曲拍者爲填詞開元天寶肇其端元和太和衍其流大中咸通以後迄於南唐二蜀尤家工戶習以盡其變凡有五音二十八調各有分屬今皆失傳

明皇帝 一首

好時光

寶髻偏宜宮樣蓮臉嫩體紅香肩黛不須張敞畫天教
入鬢長莫倚傾國貌嫁取箇有情郎彼此當年少莫
負好時光

昭宗皇帝 四首

巫山一段雲

縹緲雲間質盈盈波上身袖羅斜舉動埃塵明豔不勝

春 翠鬢晚妝煙重寂寂陽臺一夢冰眸蓮臉見長新
巫峽更何人

蝶舞梨園雪鶯啼柳帶煙小池殘日豔陽天
苧蘿山又 青鳥不來愁絕忍看鴛鴦雙結春風一等少年心
閑情恨不禁

菩薩蠻

一名子夜歌一名巫山
一片雲一名重疊金

登樓遙望秦宮殿茫茫只見雙飛燕渭水一條流
千山 與萬丘 遠煙籠碧樹陌上行人去安得有英雄迎歸

大內中

一作何處是英
雄迎儂歸故宮

飄飄且在三峰下秋風往往堪霑灑腸斷憶仙宮朦朧
煙霧中 思夢時時睡不語長如醉早晚是歸期蒼穹

知不知

後唐莊宗

名存勗在位四年諡曰光聖神閱詞四首

一葉落

一葉落
寒朱箔
此時景物正蕭索
畫樓月影寒
西風吹
羅幕
吹羅幕
往事思量著

如夢令

一名憶仙姿一名宴桃源一名比梅

曾宴桃源深洞
一曲清歌舞
鳳長記
別伊時
和淚出門
相送如夢
如夢殘月落花煙重

陽臺夢

薄羅衫子金泥縫
困纖腰怯銖衣重
笑迎移步小蘭叢
繡金翹玉鳳
嬌多情脈脈羞把同心撚
弄楚天雲雨

却相和又入陽臺夢

歌頭

賞芳春暖風飄箔鶯啼綠樹輕煙籠晚閣杏桃紅開
萼靈和殿禁柳千行斜金絲絡夏雲多奇峰如削
紈扇動微涼輕綃薄梅雨霽火雲爍臨水檻永日逃
鮒暑泛觥酌露華濃冷高梧彫萬葉一霎晚風蟬聲
新雨歇惜惜此光陰如流水東籬菊殘時歎蕭索
餘陰積歲時暮景難畱不覺朱顏失却好容光
且須呼賓友西園長宵讌雲謠歌皓齒且行樂

南唐嗣王李璟

三首

浣溪沙

一作浣紗溪
一名小庭花

風壓輕雲貼水飛
乍晴池館燕爭泥
沈郎多病不勝衣
沙上未聞鴻雁信
竹間時聽鷓鴣啼
此情惟有落花知

攤破浣溪沙

一名山花子

菡萏香銷翠葉殘
西風愁起綠波間
還與韶光共顚顚
不堪看
細雨夢回雞塞遠
小樓吹徹玉笙寒
多少淚珠何限恨
倚闌干

手卷真珠上玉鉤
依前春恨鎖重樓
風裏落花誰是主
思悠悠
青鳥不傳雲外信
丁香空結雨中愁
回首淒波三峽暮
接天流

後主煜

三十四首

漁父

一名漁歌子

浪花有意千里雪
桃花無言一隊春
一壺酒一竿身快
活如儂有幾人

一櫂春風一葉舟
一綸繭縷一輕鉤
花滿渚酒滿甌萬
頃波中得自由

憶江南

一名望江南一名夢江南一名江南好一名夢江口
一名望江梅一名歸塞北一名謝秋娘一名春去也

多少恨昨夜夢魂中
還似舊時遊上苑
車如流水馬如
龍花月正春風

多少淚霑袖復橫
願心事莫將和淚
滴鳳笙休向月明
吹腸斷更無疑

閑夢遶南國正芳
春船上管弦江面
綠滿城飛絮濕輕

塵愁殺看花人

閑夢遠南國正清秋千里江山寒色暮蘆花深處泊孤舟
笛在月明樓

擣練子

一名深院月

深院靜小庭空斷續寒砧斷續風無柰夜長人不寐數
聲和月到簾櫳

雲鬟亂晚妝殘帶恨睂兒遠岫攢斜托香顚春筍嬾爲
誰和淚倚闌干

相見歡

一名烏夜啼一名上西樓一名西樓子一名月上瓜洲一名秋夜月一名憶真妃

林花謝了春紅太匆匆無柰朝來寒雨晚來風
胭脂淚相畱醉幾時重自是人生長恨水長東

無言獨上西樓月如鉤寂寞梧桐深院鎖清秋
剪不斷理還亂是離愁別是一般滋味在心頭

長相思

一名雙紅豆一名山漸青一名憶多嬌

一重山兩重山山遠天高煙水寒相思楓葉丹
菊花
開菊花殘塞雁高飛人未還一簾風月閑
雲一綢玉一梭澹澹衫兒薄薄羅輕顰雙黛螺
秋風
多雨如和簾外芭蕉三兩窠夜長人奈何

浣溪沙

紅日已高三丈透金鑪次第添香獸紅錦地衣隨步皺
佳人舞點金釵酒惡時拈花葉顚別殿遙聞簫鼓
奏

一燭飄蓬一夢歸欲尋陳迹悵人非天教心願與身違
待月池臺空逝水蔭花樓閣漫斜暉登臨不惜更霑
衣

采桑子

一名醜奴兒一名羅敷
嬌二名羅敷豔歌

輓轡金井梧桐晚幾樹驚秋晝雨如愁百尺蝦須上玉
鉤瓊窗春斷雙蛾皺回首邊頭欲寄鱗游九曲寒波
不訴流

亭前春逐紅英盡舞態徘徊細雨霏微不放雙眉時暫
開綠窗冷靜芳音斷香印成灰可奈情懷欲睡朦朧
入夢來

菩薩蠻

花明月暗籠輕霧今宵好向郎邊去
剗鞦韆步香階手提金縷鞋
畫堂南畔見一晌偎人顫
好爲出來難教君恣意憐

蓬萊院閉天台女畫堂晝寢無人語
拋枕翠雲光繡衣聞異香
潛來珠鎖動驚覺鴛鴦夢慢臉笑盈盈相看無限情

銅簧韻脆鏘寒竹新聲慢奏移纖玉
眼色暗相鉤秋波橫欲流
雨雲深繡戶來便諧衷素宴罷又成空夢逃春睡中

人生愁恨何能免消魂獨我情何限
故國夢重歸覺來雙淚垂
高樓誰與上長記秋晴望往事已成空還如

一夢中

清平樂

一名憶
羅月

別來春半觸目愁腸斷砌下落梅如雪亂拂了一身還滿
雁來音信無憑路遙歸夢難成離恨却如春草更
行更遠還生

喜遷鶯

一名鶴冲天
一名燕歸來

曉月墜宿雲微無語枕頻欹夢回芳草思依依天遠雁
聲稀啼鶯散餘花亂寂寞畫堂深院片紅休掃儘從
伊畱待舞人歸

阮郎歸

一名醉桃源
一名碧桃春

東風吹水日銜山春來長是閑落花狼藉酒闌珊笙歌

醉夢間 春睡覺晚妝殘無人整翠鬟畱連光景惜朱
顏黃昏獨倚闌

錦堂春

一名烏
夜啼

昨夜風兼雨簾幃颯颯秋聲燭殘漏滴頻欹枕起坐不
能平 世事漫隨流水算來一夢浮生醉鄉路穩宜頻
到此外不堪行

應天長

一鉤初月臨妝鏡蟬鬢鳳釵慵不整重簾靜層樓迴惆
悵落花風不定 柳堤芳草徑夢斷轆轤金井昨夜更
蘭酒醒春愁過却病

望遠行

碧砌花光照眼明
朱扇長日鎮長
扇餘寒欲去夢難成
爐香煙冷自亭亭
遼陽月秣陵砧不傳消息但傳情
黃金臺下忽然驚
征人歸日二毛生

浪淘沙

一名賣花聲

簾外雨潺潺
春意闌珊
羅衾不耐五更寒
夢裏不知身是客
一晌貪歡
獨自暮凭闌
無限江山別時容易見
時難流水落花春去也
天上人間
往事只堪哀
對景難排
秋風庭院
蘚侵階
一桁珠簾閑不卷
終日誰來
金釧已沈埋
壯氣蒿萊
晚涼天淨月華開
想得玉樓瑤殿影
空照秦淮

木蘭花

一名玉樓春一名春曉
一名怡春客